

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«-----» ----- 2014թ.

N -----Ա

Ո Ր Ո Շ ՈՒ Մ

**ԵՎՐՈՊԱԿԱՆ ՄԻՈՒԹՅԱՆ «ՔԱՂԱՔԱՊԵՏԵՐԻ ԴԱՇՆԱԳԻՐ»
ՆԱԽԱՁԵՌՆՈՒԹՅԱՆԸ ՄԻԱՆԱԼՈՒ ՄԱՍԻՆ**

Ղեկավարվելով «Երևան քաղաքում տեղական ինքնակառավարման մասին»
Հայաստանի Հանրապետության օրենքի 12-րդ հոդվածի 1-ին մասի 33-րդ կետով՝

Երևան քաղաքի ավագանին որոշում է.

1. Համաձայնություն տալ միանալու Եվրոպական Միության «Քաղաքապետերի
դաշնագիր» նախաձեռնությանը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ–ՀԻՄՆԱՎՈՐՈՒՄ

ԵՎՐՈՊԱԿԱՆ ՄԻՈՒԹՅԱՆ «ՔԱՂԱՔԱՊԵՏՆԵՐԻ ԴԱՇՆԱԳԻՐ» ՆԱԽԱՁԵՆՈՒԹՅԱՆԸ ՄԻԱՆԱԸՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ՎԵՐԱԲԵՐՑԱԼ

«Քաղաքապետերի դաշնագիրը» (այսուհետ՝ Դաշնագիր) Եվրոպական Միության կողմից մեկնարկած նախաձեռնություն է, որը կոչված է համընդհանուր կամավորական պատասխանատվությամբ միավորելու տեղական ինքնակառավարման մարմիններին և տարածաշրջանային իշխանություններին՝ հոգուտ «կանաչ տնտեսական աճ»-ի և կյանքի որակի բարելավման: Դաշնագիրը ստորագրող համայնքները կամավոր կերպով համաձայնվում են իրենց վարչական տարածքների ներքո էներգաարդյունավետության և վերականգնվող էներգիայի ոլորտներում իրականացնել համապատասխան գործողություններ, որոնք թույլ կտան մինչև **2020**թ. առնվազն 20%-ով կրճատելու ածխաթթու գազի (CO₂) արտանետումները՝ համայնքի կողմից ընտրված էլակետային տարվա արտանետումների մակարդակի համեմատ:

Կլիմայի փոփոխության մեղմմանն ուղղված միջազգային այս նախաձեռնությունը հիմնված է քաղաքային համայնքների մասնակցության վրա, քանի որ ըստ ժամանակակից վիճակագրական տվյալների (Եվրոպական Միության երկրներում ջերմոցային գազերի արտանետումների գույքագրումների արդյունքների համաձայն) ներկայումս էներգասպառման և ջերմոցային գազերի արտանետումների ծավալի մոտ **80%**-ը բաժին է ընկնում քաղաքներին:

Նախաձեռնությունը սկզբում նախատեսված էր Եվրամիության անդամ երկրների քաղաքների համար, սակայն **2011**թ. սեպտեմբերին մեկնարկել է “Աջակցություն Արևելյան Գործընկերության և Կենտրոնական Ասիայի քաղաքներին Քաղաքապետերի Դաշնագրի գործընթացին մասնակցության համար” (Քաղաքապետերի դաշնագիր՝ Արևելք) տարածաշրջանային ծրագիրը, որին մասնակցում են **11** երկրներ, այդ թվում նաև Հայաստանը:

Արևելյան Գործընկերության և Կենտրոնական Ասիայի երկրների համար առաջարկվեցին մի շարք նորարարական մոտեցումներ, որոնց նպատակն էր ավելի դյուրին դարձնել այդ երկրների քաղաքների մասնակցությունը Դաշնագրում: Մասնավորապես, ներդրվեցին ջերմոցային գազերի արտանետումների գնահատման ավելի ճկուն մոտեցումներ և մշակվեցին համապատասխան ուղեցույցներ և ձեռնարկներ:

Մասնակցությունը «Քաղաքապետերի դաշնագիր» նախաձեռնությանը համայնքներին հնարավորություն է ընձեռում ապահովել հետևյալ արդյունքները՝

- Բարելավել շրջակա միջավայրը՝ նվազեցնելով ջերմոցային գազերի և այլ նյութերի արտանետումների մակարդակը;
- Բացահայտել քաղաքային տնտեսության էներգասպառման հիմնական ոլորտները և գնահատել այդ ոլորտներում էներգախնայողության տեխնիկական և տնտեսական ներուժը;

- Բարձրացնել մատուցվող ծառայությունների (օրինակ՝ արտաքին լուսավորության, ջերմամատակարարման, տրանսպորտի և այլն) որակը և հարմարավետության պատշաճ մակարդակը;
- Նպաստել քաղաքի մակարդակով էներգետիկ ռեսուրսների առավել արդյունավետ օգտագործմանը;
- Մշակել և ըստ առաջնահերթության դասակարգել էներգախնայողական միջոցառումները;
- Նպաստել առաջարկվող միջոցառումների իրականացմանն ուղղված տեղական և միջազգային ներդրումների ներգրավմանը և աշխատատեղերի ստեղծմանը;
- Նվազեցնել էներգասպառման հետ կապված քաղաքապետարանի ծախսերը:

Առ այսօր նախաձեռնությանը միացել են տարբեր երկրների ավելի քան **5700** քաղաքներ, ավելի քան **30** մայրաքաղաքներ և քաղաքային համայնքների ասոցիացիաներ: ԱՊՀ երկրների մայրաքաղաքներից Դաշնագրին միացել են Կիևը, Աստանան, Քիշնևը և Թբիլիսին:

Նախաձեռնությանը միանալու համար անհրաժեշտ է Երևան քաղաքի ավագանու հավանությունը, որը սահմանված է նախաձեռնության կանոնակարգով, ինչից ելնելով ավագանու քննարկմանն է ներկայացվում սույն որոշման նախագիծը:

2. Նախաձեռնությանը անդամակցող համայնքները և դրանց պարտավորությունները

Համաձայն միջազգային ընթացակարգի, Դաշնագրին միանալու ցանկություն ունեցող համայնքները պետք է կատարեն հետևյալ գործողությունները.

2.1. Անդամակցում Դաշնագրին

2.2. Քաղաքի կայուն էներգետիկ զարգացման գործողությունների ծրագրի (ԿԷԶԳԾ) մշակում

2.3. Քաղաքապետարանի կազմում համապատասխան վարչական ռեսուրսների ստեղծում

2.4. ԿԷԶԳԾ-ի միջոցառումների իրականացում և մոնիտորինգ

2.5. Էներգետիկ օրերի կազմակերպում

5. Քաղաքապետարաններին աջակցող կառույցները

Վերը հիշատակված գործընթացներում քաղաքապետարանների արդյունավետ մասնակցությունն ապահովելու նպատակով գործում է բազմակողմանի աջակցության համակարգ, որում ներառված են հետևյալ կառույցները.

- Աջակիցները: Տեղական և տարածքային կառավարման մարմիններ կամ միջհամայնքային միավորումներ, որոնք հաստատել են իրենց պատրաստակամությունը աջակցելու Դաշնագրի կողմ հանդիսացող քաղաքներին:

Հայաստանում Դաշնագրի աջակիցներն են Հայաստանի Համայնքների Միությունը և Էներգախնայողության Աջակցության Հիմնադրամը:

- Համակարգողները: Պետական մարմիններ, օրինակ, նախարարություններ կամ գործակալություններ, որոնք ապահովում են Դաշնագրի իրականացման քաղաքական աջակցությունը, ինչպես նաև ի գործում են տրամադրել մասնակից քաղաքներին տեխնիկական, տեղեկատվական և, հնարավորության դեպքում, նաև ֆինանսական աջակցություն Դաշնագրի շրջանակներում իրենց պարտավորությունները կատարելու համար:

Հայաստանում Դաշնագրի համակարգողն է ՀՀ էներգետիկայի և բնական պաշարների նախարարությունը:

- Հետազոտությունների համատեղ կենտրոն: ԵՀ-ի կողմից ստեղծված փորձագիտական խումբ, որն աջակցում է քաղաքներին՝ համապատասխան ուղեցույցների, ձեռնարկների և մեթոդաբանությունների մշակման միջոցով:

«Աջակցություն Արևելյան Գործընկերության և Կենտրոնական Ասիայի քաղաքներին Քաղաքապետերի Դաշնագրի գործընթացին մասնակցության համար» տարածաշրջանային ծրագիրը տրամադրում է տեխնիկական և փորձագիտական աջակցություն Դաշնագրին մասնակցող և մասնակցության պատրաստակամություն ունեցող համայնքներին:

- Ֆինանսական աջակցություն: Դաշնագրին անդամակցող Արևելյան Գործընկերության և Կենտրոնական Ասիայի քաղաքներին աջակցության նպատակով Եվրահանձնաժողովի կողմից ստեղծվել են ֆինանսական աջակցության տարբեր մեխանիզմներ, որոնք տրամադրում են դրամաշնորհային և վարկային միջոցներ՝ քաղաքների ԿԷԶԳԾ-երում նշված միջոցառումների իրականացման համաֆինանսավորման համար: Հայաստանում Դաշնագրի շրջանակում ֆինանսական աջակցություն են Վերակառուցման և զարգացման եվրոպական բանկ (**EBRD**), Ներդրումների եվրոպական բանկ (**EIB**), Համաշխարհային էկոլոգիական հիմնադրամ (**GEF**) (ներառյալ **EBRD**, **UNDP**, **UNEP**, **UNIDO**, **IBRD**), Եվրասիական Զարգացման բանկ (**EDB**), Ասիական զարգացման բանկ (**ADB**), Համաշխարհային բանկ (**IFC Subnational Finance**), ԱՄՆ միջազգային զարգացման գործակալություն (**USAID**), KfW և այլն:

6. Դաշնագրի կարգավիճակը Հայաստանում

2014թ. հունիս ամսվա դրությամբ Դաշնագրին միացած հայաստանյան քաղաքների ցանկը բերված է ստորև՝

1. Ծաղկաձոր՝ միացել է **09.06.2009թ.**
2. Հրազդան՝ միացել է **21.05.2013թ.**
3. Ապարան՝ միացել է **02.09.2013թ.**
4. Սպիտակ՝ միացել է **22.05.2014թ.**
5. Վայք՝ միացել է **27.05.2014թ.**
6. Գյումրի՝ միացել է **13.06.2014թ.**
7. Արթիկ՝ միացել է **20.06.2014թ.**
8. Դիլիջան՝ միացել է **27.06.2014թ.**

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**ԵՎՐՈՊԱԿԱՆ ՄԻՈՒԹՅԱՆ «ՔԱՂԱՔԱՊԵՏԵՐԻ ԴԱՇՆԱԳԻՐ» ՆԱԽԱԶԵՌՆՈՒԹՅԱՆԸ
ՄԻԱՆԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ
ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ
ԿԱՄ ԲԱՑԱԿԱՑՈՒԹՅԱՆ ՄԱՍԻՆ**

«Եվրոպական Միության «Քաղաքապետերի դաշնագիր» նախաձեռնությանը անդամակցելու մասին» որոշման նախագծի ընդունման առնչությամբ այլ իրավական ակտերում փոփոխություն կատարելու անհրաժեշտություն չի առաջանում:

ՏԵՂԵԿԱՆՔ

**ԵՎՐՈՊԱԿԱՆ ՄԻՈՒԹՅԱՆ «ՔԱՂԱՔԱՊԵՏԵՐԻ ԴԱՇՆԱԳԻՐ» ՆԱԽԱԶԵՌՆՈՒԹՅԱՆԸ
ՄԻԱՆԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ
ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՎԵՐԱԲԵՐՅԱԼ**

«Եվրոպական Միության «Քաղաքապետերի դաշնագիր» նախաձեռնությանը անդամակցելու մասին» որոշման նախագծի ընդունման կապակցությամբ Երևան համայնքի բյուջեում ծախսեր և փոփոխություններ չեն նախատեսվում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ